

HEADLINES

- ۱۔ صدر جمہوریہ دروپدی مرمو نے نائب صدر جمہوریہ غا اپنا عہدہ تیں استیفہ ناں منظور کرلیو ہے۔
- ۲۔ لیفٹیننٹ گورنر منوج سنہا نے دہشت گردی تیں متاثر کُنباں نانہ مدد فراہم کرن غی خاطر اک مخصوص پورٹل غی شروعات کی ہے۔
- ۳۔ اس سال امرناتھ یاترا ور جان آلا یاتریاں غی تعداد 3 لکھ 35 ہزار توڑی جا پُجی ہے۔
- ۴۔ وزیراعلیٰ عمر عبداللہ نے قومی تعلیمی پالیسی 2025 واسطے منعقدہ کانفرنس مانہ تعلیمی رہنماواں ناں باختیار بنان غا اپنا عزم نانہ دہرایو ہے۔
- ۵۔ جموں خطہ مانہ پاری بارش تے انسانی زندگی ناں متو متاثر کیو ہے 10 جلع مانہ سیلاب آن غو خطرو وی ظاہر کیو گیو ہے۔

VP RESIGN ACC

ایک اہم پیش رفت اگ طورور نائب صدر جمہوریہ جگدیپ دھنکڑ غو اسعیفق صدر جمہوریہ دروپدی مرمو نے منظور کرلیو ہے اس سلسلہ مانہ وزارت داخلہ نے اچلاع دتی بت نائیب صدر جگدیپ دھنکڑ نے گزشتہ روز صحت غی وجوہات گا حوالہ تیں اپنا عہدہ تیں استعفو دے دتو تھو۔ وزیراعظم نریندر مودی نے نائیب صدر نانہ عہدہ تیں استعیفو دین تیں بعد صحت یابی واسطے نیک خواہشات غو اظہار کیو ایک سماجی ذرائع ابلاغ ور اپنی پوسٹ مانہ وزیراعظم مودی نے کہیو کہ جناب دھنکڑ نانہ ملک گا مختلف عہداں ور خدمت کرن غو موقع لبو جن مانہ نائیب صدر گو عہدو وی شامل ہے۔

PAR ADJOURNED

پارلیمنٹ گا مون سون غا اجلاس غے دوجے تہاڑے وی اج دواں ایواناں غی کاروائی بُری طرح متاثر ہوئی کیوں جے حزب اختلاف غی تمام جماعتاں غا ممبر اوپریشن سندور بارے ایوان مانہ بحس کرن غی کڑی کری مانگ کرریتا تھا واضع رہ جے جیساں غی پیشی دو بجے لوک سبھا مانہ کاروائی شروع کی گی تاں حزب اختلاف غی جماعتاں نے شور شرابو شروع کردتو جس گی پارلیمانی معاملن غا وزیر کرن رچی جو نے سخت الفاظ مانہ مزمت کرتا واں کہیو جے حکومت کاروباری ہدایتی کمیٹی غی میٹنگ تے دوجا معاملن ور بحس غی خاطر ہے ور حزب اختلاف غی جمارت جان بوجھ غے ایوان غی کاروائی مانہ غیر ضروری مداخلت کر رہی ہے۔

LG PORTAL

جموں کشمیر مانہہ دہشت گردی تیں متاثرہ خانداناں نانہہ ادارہ جاتی مدد فراہم کرن واسطے ایک اہم قدم چاتا واں لیفٹیننٹ گورنر منوج سنہہا نے اج دہشت گردی تیں متاثران واسطے ایک مخصوص پورٹل غو آغاز کیو۔یہ ویب سائٹ جہیڑی محکمہ داخلہ نے قومی تحقیقاتی ایجنسی غا اشتراک تیں تیار کیہے بر ضلع غا لحاظ تیں دہشت گردی تیں متاثرہ خانداناں غو مکمل معلومات اکٹھی کرنو تے اس نانہہ برقرار رکھن واسطے ایک مرکزی پلیٹ فارم غا طور ور کم کوے غو سماجی ذرائع ابلاغ ور ایک پوسٹ مانہہ ایل جی موصوف نے کہیو کہ یوہ قدم متاثرین نانہہ امداد، ہمدردی غی بنیاد ور تقریریاں تے دیگر امداد غی فراہمی غا عمل نانہہ تیز تے منظم کرے غو انہاں نے کہیو کہ وہ ذاتی طور ور مرکزی زیر انتظام علاقہ مانہہ تمام معاملان غی نگرانی تے اُن غا ازالہ غی نگرانی کر رہیا ہیں۔

AMARNATH YATRA

اس سال غی جاری امرناتھ یاترا ور جان آلا یاتریاں غی تعداد 35 لکھ 3 ہزار توڑی جاچگی ہے اس گل غی جانکاری جموں کشمیر غالیفٹیننٹ گورنر منوج سنہہا نے اپنا پہلگام دورہ غے دوران میڈیا غا نمائینداں سنگ خطاب کرتا واں کہی اُن نے یاتریاں غی تعداد مانہہ بعدادا ور کوشی ظاہر کرتا واں اُمید کی ہے جے آن لائن تہاڑاں مانہہ یاتریاں گی تعداد مانہہ متو بادو درج کیو گیو ہے اس موقع ور ایل جی موصوف نے کہیو جے یاتریاں غی حفاظت غے نال گزشتہ چار سالان تیں تمام بہترین بندوبست مکمل کیا گیا ہیں۔ اس سلسلہ مانہہ مزید گل کرتا واں لیفٹیننٹ گورنر منوج سنہہا نے اس طرح کہیو۔

PUBLIC APPEAL DARHAL

ضلع راجوری غا پروڑی لیراں ٹنڈکوٹ اوجیاں ت چوہدری ناڈ گرائیاں غا لوکاں نے جموں کشمیر غا وزیر اعلیٰ عمر عبداللہ تے لیفٹیننٹ گورنر منوج سنہہا تیں مانگ کی ہے جے راجوری تیں پروڑی جان آلی سڑک غی نوے سر مرمت ناں یقینی بنان غی کاطر محکمہ پی اہم جی ایس وائی گا عہدے داران ناں ہدایت کی جیں تاں نجے عام مسافراں تے طالب علم طبقہ ناں سفر مانہہ پریشانیاں غو سامنو نہ کرنو ہے ان گرایاں گا لوکاں غو کہنو ہے جے سڑک غی خراب حالت غی وجہ توں مریجاں ناں اسپتال لے جان مانہہ متی پریشانیاں گو سامنو کرنو پے رہیو ہے۔

CM NEP

وزیر اعلیٰ عمر عبداللہ نے اج شیر کشمیر بین العقوامی کنووکیشن مرکز مانہہ منعقدہ ایک روزہ قومی تعلیمی پالیسی 2025 کانفرنس مانہہ شرکت کی جس غو موضوع تھو مکمل تعلیم واسطے تعلیمی رہنماواں نانہہ باختیار بنانو اس موقع ور وزیر تعلیم سکینہ اتو وی موجود تھیں اپنا خطاب مانہہ وزیر اعلیٰ نے حکومت غو تعلیم غا شعبہ مانہہ مضبوط عزم نانہہ ظاہر کیو۔ تے کہیو کہ جموں کشمیر مانہہ ایک جامع

جدید تے مستقبل واسطے تیار تعلیمی نظام قائم کیو جے غو۔ انہاں نے تعلیم غا میدان مانہ بہتری واسطے مل غے کام کرن غی ضرورت ور زور دتو تانجے طلباء نانہ عالمی سطح غا مقابلوں واسطے تیار کیو جاسکے۔

DGP BUDHA AMARNATH

شری بُڈا امرناتھ یاترا ناں سوکھا طریقہ نال چلان غی خاطر تیاریاں گو جائیزو لین واسطے جموں کشمیر پولیس غا سربراہ نلین پر بات دو تہاڑاں غا دورہ ور اج پونچھ روانہ ہو گیا ہیں واضع رہ جے اس دورہ غیدوران فوج تے جموں کشمیر پولیس غا اعلیٰ عہد دار وی موجود ریں غا جس دوران حفاظت تیں علاوہ یاترا غا بیش کیمپ مانہہ دوجی سہولیات گو وی نیڑے تیں جائیزو لیو جے غو۔ اس سلسلہ مانہہ اک اوچی سطح غی میٹنگ بلاغے لوکاں غی پیڑ ناں کہٹ کرن بارے اقدام چان غی کاطر سی سی ٹی وی کیمرہ نصب تیں علاقہ متا سارا لوڑتا اقدام چان ور وی خصوصی گل بات کی جے گی۔ اس سلسلہ مانہہ پیش بے مارا نمائندہ غی یاہ رپوٹ۔

DC JAMMU

جموں غا ضلع ترقیاتی کمشنر سچن کمار ویشیا نے اج عہدے داری غی اک میٹنگ بلاغے آئیندہ یوم جمہوریہ منان غا سلسلہ مانہہ تیاریاں گو جائیزو لیو میٹنگ مانہہ جموں کشمیر پولیس تے سویل انتظامیہ غا عہدے داراں نے شرکت کیاس موقع ور ڈی سی موصوف نے یوم جمہوریہ تقریب غیدوران حفاظت سمیت تمام دوجا لوڑتا انتظامات بارے تفصیلی جانکاری حاصل کی انہاں نے تمام متعلقین نانہہ ہدایت کی بے جے یوم جمہوریہ ناں آسان طریقہ نال منان غی خاطر تمام تر تیاریاں نانہہ تیزی نال مکمل کیو جے میٹنگ غے دوران جناب ویشیا نے صفائی ستھرائی غے نال نال ہنگامی خدمات عام لوکاں تے سکول بچاں غی شمولیت غی ضرورت ور زور دتو تاں تاں جے یوم جمہوریہ ناں پورا حُب الوطنی غا جذبہ نال منایو جاسکے۔

WEATHER

بُن خبر موسم غی۔ گزشتہ رات ہوئی بارش نے لوکاں غی زندگی نانہہ متاثر کی وے جموں گا کئی علاقوں مانہہ مسلسل بارش غی وجہ تیں پانی جمع ہو گیا بے تے کئی سڑکاں ور پانی بھر گیا بے کجھ علاقوں مانہہ بجلی غا کھمبا تے تار خراب ہوئی ہیں جس غی وجہ تیں بجلی غی فراہمی متاثر ہوئی بے جس تیں عوام نانہہ مشکلات غو سامنو کرنو پے ربیو بے ت مرممتی غو کام تیزی سنگ چل ربیو بے۔ محکمہ موسمیات نے 24 جولائی توڑی مختلف علاقوں مانہہ گرج چمک غے نال تی زبارش غی پیشن گوئی کی بے جموں کشمیر آفات تیں نمڑن آلا ادرہ نے موجودہ موسمی صورتحال ور ہدایت جاری کرتا واں کہیو کہ اگلا 72 گھنٹاں غے دوران کٹھوعہ سانہہ جموں اودھمپور ڈوڈہ کشتواڑ رام بن ریاسی راجوری تے پونچھ مانہہ ہلکو تے درمیانہ درجہ غو سیلاب اچانک آن گو خطرو بے۔ عوام نانہہ دریاواں تے ندی نالاں غے قریب جان تیں گریز کرن تے کسی وی ایمرجنسی غی صورت مانہہ 112 ور کال کرن غو مشورو دتو گیا بے۔

NATIONAL FLAG DAY

قومی ورثہ ناں قابل فخر خراج تحسین پیش کرن غا سلسلہ مانہہ 22 جلائی غو تہارو بھارت غی تاریخ مانہہ نمیکلی پشان رکھے کیوں جے اج ہی غے تہاڑے آئینی اسمبلی نے ترینگا ناں قومی چنڈا گا طورور آپنایو تھو بکھ بکھ رنگا مانہہ مہارا ملک گو قومی چندو امن خوشحالی تے ترقی ناں واضع کرے جہڑو جے آپسی اتحاد غی ترجمانی ناں وی باندے لیان مانہہ اوپنو ضروری قردار ادا کرربو بے واضع رہ جے مہارو قومی چنڈو آن غی نسلان غی حوصلہ افزائی مانہہ مدد گار ثابت ہو ربو بے یاد رہ جے ملک اج آزادی غی خاطر لڑائی لڑن آلا رہنماواں ناں فخر نال یاد کرربو بے۔

DIPR COMPETITIONS

یوم آزادی 2025 غی تقریباتگا سلسلہ مانہہ محکمہ اطلاعات و تعلقات عامہ جموں کشمیر نے ترے آنلائین مقابلان غو آغاز کیو بے تانجے خاس طور ور طلبہ تے نوجوانان مانہہ حب الوطنی غا جذبات نانہہ فروغ دتو جاسکے ان مقابلان مانہہ شامل بے قومی ترانو گان گو قابلو وکست بھار@2047 ور مضمون نویسی تے اپنا پسندیدہ آزادی گا سپاہی غی تصویر بنان گو مقابلو۔ لوک اس مانہہ حصو لین واسطے اپنی شرکت آن لائین بھیج سکیں کامیاب امیدواران نانہہ نقد انعام تے اسناد دتا جیں گا۔ محکمہ اطلاعات نے شہریاں تیں پُر جوش شرکت غی اپیل کی بے۔ تانجے اس یوم آزادی نانہہ یاد گار بنایو جاسکے تے اپنی آواز نظریہ تے تخلیقی صلاحیتاں غو مظاہرو کیو جاسکے۔ اس بارے مکمل تفصیلات محکمہ غی سرکاری ویب سائٹ ور دستیاب بے۔
